



Imaqarniliaq

Aallartitat immikkut ittumik ataatsimiinnerat 19. marsi 2015

KANUKOKA-mut aallartitat immikkut ittumik ataatsimiinnerat, ulloq 19. marsi 2015, telefonikkut, nal. 13.00

Peqataasut:

Aallartitat

Kommune Kujalleq

Jørgen Wæver Johansen, Siumut (siulersuisunut ilaasortaq)
Ole Mølgaard-Motzfeldt, Siumut (siulersuisunut ilaasortaq)
Kelly Berthelsen, Inuit Ataqatigiit (siulersuisunut ilaasortaq)

Kommuneqarfik Sermersooq

Asii Chemnitz Narup, Inuit Ataqatigiit (siulersuisunut ilaasortaq)
Malene Lynge, Inuit Ataqatigiit
Poul Hansen, Demokraatit
Ane Egede Mathæussen, Siumut
Peter Davidsen, Siumut

Qeqqata Kommunια

Hermann Berthelsen, Siumut (siulersuisunut ilaasortaq)
Aqqalu Skifte, Siumut
Tønnes Berthelsen, Atassut

Qaasuitsup Kommunια

Ole Dorph, Siumut (siulersuisunut ilaasortaq)
Jens Danielsen, Siumut
Jens Kristian Therkelsen, Siumut
Naja Petersen, Atassut (siulersuisunut ilaasortaq)

Siulersuisunit peqataasut allat

Martha Abelsen, Siumut (siulittaasoq)
Malene Ingemann, Naleraq (siulersuisunut ilaasortaq)

Allattoqarfimmit peqataasut: Direktør Hans-Peder Barlach Christensen, seniorkonsulent Bjarne Petersen, sekretær Inger Heilmann Larsen aamma konsulent Svend Møller.

Ullormut oqaluuserisassat

1. Tikilluaqqusineq
2. Ataatsimiinnermi siulersuisussamik toqqaaneq
3. Ullormut oqaluuserisassat akuersissutigineqarnerat
4. KANUKOKA-p siulersuisuisa siulittaasussaannik qinersineq
5. Siulittaasutut qinigaarlaap sinniisussaannik qinersineq
6. KANUKOKA-p siulersuisuini sinniisussannik qinersineq
 - a) Ole Mølgaard-Motzfeldtip sinniisussaannik qinersineq
 - b) Kelly Berthelsenip sinniisussaannik qinersineq
 - c) Naja Petersenip sinniisussaannik qinersineq
7. 2015-imi juunimi piffissap qinigaaffiup qiteqqunnerani aallartitat isumasioqatigiinnissaat oktobarimilu aallartitat immikkut ittumik ataatsimiinnissaat pillugit ilisimatitsineq
8. Taasariaqartut allat

Ad 1) Tikilluaqqusineq

Siulittaasoq Martha Abelsen tikilluaqqusivoq, imaattumillu ilisimatitsilluni: Ataatsimiinnermi matumani taamaallaat KANUKOKA-p siulittaasutut peqataassalluni, imaanngitsoq Kommuneqarfik Sermersuumit aallartitat ilaattut, taamaattumillu inuttut sinniisussani Ane Egede Mathæussen aallartitatut ataatsimiinneranni matumani peqataassasoq. Malittarisassalli naapertorlugit siulittaasutut oqaaseqarsinnaatitaavoq.

Siulersuisut 10. februaari 2015 ataatsimiinnerminni aalajangersimapput aallartitat immikkut ittumik ataatsimiigiaqquneqassasut. Ataatsimiigiaqqusinerlu malittarisassat naapertorlugit pivoq.

Ad 2) Ataatsimiinnermi siulersuisussamik toqqaaneq

Martha Abelsen nammineq ataatsimiinnermi siulersuisoorusussinnaanerpoq. Tamannalu akerlerineqarani akuerineqarpoq.

Ataatsimiinnermi siulersuisup ilisimatitsissutigaa ataatsimiinnermi matumani aallartitat KANUKOKA-p malittarisassai naapertorlugit siunnersuuteqarsinnaallutillu, oqaaseqarsinnaatitalutillu taasisinnaatitaammata. Ataatsimiinnermi siulersuisoq nammineq aamma siulersuisunut ilaasortaq Malene Ingemann aallartitaannginamik malittarisassat naapertorlugit taamaallaat oqaaseqarsinnaatitaapput, kisianni siunnersuuteqarsinnaatitaanatik taasisinnaatitaanatilluunniit.

Ad 3) Ullormut oqaluuserisassat akuersissutigineqarnerat

Ullormut oqaluuserisassatut siunnersuutit nassiunneqarsimasut akuersissutigineqarput tulleriinnerat iluarsinнарlugu, tassa siulittaasumik taassumalu sinniisussaannik qinersinissat siulersuisunut ilaasortat sinniisussaannik qinersinissanit siullinngortillugit.

Ad 4) KANUKOKA-p siulersuisuisa siulittaasussaannik qinersineq

KANUKOKA-p siulersuisui 10. februaari 2015 ataatsimiinnerminni aalajangerput Kommuneqarfik Sermersuup ilaasortaajunnaarniarnerata kingunerisaanik aallartitat immikkut ittumik ataatsimiinneranni matumani siulittaasumik nutaamik qinersisoqariissasoq, tassa 2015-ip naanissaa utaqqinagu. Tamanna aalajangiunneqarpoq maannamiit siulittaasumik nutaamik pisariaqartitsisoqarmat KANUKOKA-p nutaap ineriartortinneqarnissaanut – aaqqissuussaaneq nutaag eqqarsaatigalugu, aammalu kattuffiup siunissami qanoq ittunik suliaqarnissaa eqqarsaatigalugu.

KANUKOKA-p malittarisassaani § 6, imm. 2 naapertorlugu siulittaasoq aallartitanit inassuteqarneq naapertorlugu amerlanerussuteqartunit qinerneqassaaq. Siulittaasoq ataatsimiinnermi matumani qinerneqartussa 2015-ip naanissaata tungaanut siulittaasutut atuuttussaavoq.

Ataatsimiinnermi siulersortaasup siunnersuuteqaqqusivoq siulittaasutut qinigassamik.

Malene Lyngep (Kommuneqarfik Sermersooq) siunnersuutigaa **Martha Abelsen** 2015-ip naanissaata tungaanut siulittaasutut ingerlaannassasoq.

Ole Dorship (Qaasuitsup Kommunia) **Palle Jerimiassen** siulittaasussatut qinigassanngortippaa.

Naja Petersenip (Qaasuitsup Kommunia) Palle Jerimiassenimik qinigassanngortitsineq Atassutikkut sinnerlugit taperserpaa.

Jørgen Wæver Johansenip (Kommune Kujalleq) Palle Jerimiassenimik qinigassanngortitsineq taperserpaa.

Hermann Berthelsenip (Qeqqata Kommunia) Palle Jerimiassenimik qinigassanngortitsineq taperserpaa.

Taasinerup aternik taaguinikkut ingerlanneqartup inernera:

Taasisut 9 Palle Jerimiassenimut

Taasisut 5 Martha Abelsenimut

Taasaqanngitsoq 1

Taava ataatsimiinnermi siulersuisup oqaatigaa **Palle Jerimiassen** siulittaasutut qinigaasoq. Ilisimatitsissutigaa siulittaasut nikkinnerat malunnartinneqarumaartoq apriliip 14-iani 2015 siulersuisut ataatsimiinnissaanni pilersaarutaareersumi.

Siulittaasutut qinigaarlaaq Palle Jerimiassen (Ole Dorship Ilulissani allaffianit telefonikkut malinnaasoq) naatsumik tatigineqarnerminut qinigaanerminullu qujassuteqarpoq, taamalu aamma Martha Abelsen siulittaasutut ingerlatsilluarsimaneranut qutsavigalugu.

Ad 5) Siulittaasutut qinigaarlaap sinniisussaannik qinersineq

Siulittaasussamik qinersinermut taassumalu sinniisussaannik qinersinermut tunngatillugu oqaluuserisassanik saqqummiussinerni taaneqarpoq Kommuneqarfik Sermersuup ilaasortaajun-

naarniarluni nalunaaruteqarsimanerata kingunerisaanik ”piviusumik imassasoq taamaallaat kommunalbestyrelsini ilaasortat Qaasuitsup Kommunianeersut, Qeqqata Kommunianeersut imaluunniit Kommune Kujallermeersut qinerneqarsinnaasut”.

Peter Davidsen (Kommuneqarfik Sermersooq) apeqquteqarpoq malittarisassani allassimasoq suna tamatumani tunngavigineqarneris, tassami Kommuneqarfik Sermersooq aatsaat 2015-ip naanerani ilaasortaajunnaarniarmat.

Direktør Hans-Peder Barlach Christensen akivoq malittarisassani tamanna pillugu allassimasoqanngitsoq, kisiannili tamatumani tunngavigineqartoq siulersuisuni amerlanerussuteqartut piffissami aggersumi piimaartussat eqqarsaatigereerlugit nutaamik siulittaasussarsiornissamik aalajangiisimanerat. Taamaattorli Kommuneqarfik Sermersuup qinigassanngortitsinissaanut akornutissaqanngilaq, aammalumi oqaluuserisassap immikkoortuani matuma siuliani taama pisoqarpoq.

Peter Davidsenip tamanna uggornartuutippaa, tassami Kommuneqarfik Sermersumi kommunalbestyrelse ilaasortaajunnaarnissamik aalajangivissimanngimmat. KANUKOKA-mut ilaasortaanerup nalilersoqqinneqarnissaa kommunalbestyrelsip aningaasaqarnermut ataatsimiititaliamut oqaluuserisassanngorteqqammerpaa.

Jørgen Wæver Johansenip oqaatigaa Kommuneqarfik Sermersuup kattuffimmit aniniarluni alagaqarsimanera ilaatigut tunngavigalugu aallartitat immikkut ittumik ataatsimiinnerat manna ingerlanneqartoq. Siunnersuutigaa Ole Mølgaard-Motzfeldt siulittaasutut qinigaarlaamut Palle Jerimiassenimut sinniisussatut qinerneqassasoq.

Qinigassanik allanik nalunaaruteqartoqanngilaq. Taasisoqarnissaali Aasi Chemnitz Narupip kissaatigaa, nalunaarutigaa Kommuneqarfik Sermersuup aallartitat taasaqarniannngitsut.

Taasinerup aternik taaguinikkut ingerlanneqartup inernera:

Taasisut 9 Ole Mølgaard-Motzfeldtimut
Taasaqanngitsut 6

Ataatsimiinnermi siulersuisup oqaatigaa taamaalilluni Ole Mølgaard-Motzfeldt 2015-ip naanisaata tungaanut atuuttussamik Palle Jerimiassenimut sinniisussanngortoq.

Ad 6) KANUKOKA-p siulersuisuini sinniisussanik qinersineq

Maannamut siulersuisuni ilaasortaasut Jess Svane aamma Peter Olsen Inatsisartunut qinigaasimapput, Mette Sofie Lerchilu Qeqqata Kommuniani kommunalbestyrelsimi ilaasortaanerminit sulinngiffeqarluni, kommunimut allamut nuunnini pissutigalugu. Tamannalu isumaqarpoq quaaani pineqartut inuttut sinniisussaatt kattuffiup malittarisassai naapertorlugit siulersuisunut ilaasortanngortut. Tassani pineqarput Ole Mølgaard-Motzfeldt, Kelly Berthelsen aamma Naja Petersen.

Taamaattumik aallartitat immikkut ittumik ataatsimiinneranni matumani siulersuisuni ilaasortanngortut namminneq inuttut sinniisussaannik toqqaasoqassaaq, taamaattoq imaalillugu Naja Petersenimut inuttut sinniisussanngortumut tunngatillugu nalunaarneqassalluni qinersineq taana taamaallaat atuutissasoq Mette Sofie Lerchip sulinngiffeqarnerminik unitsitsilluni siulersuisuni ilaasortanngooqqinnginnerani. Sinniisussanik pingasunik toqqaaneq 2015-ip naanissaanut

taamaallaat atuutissaaq, siulersuisussanik nutaavinnik qinersisoqartussaammat aallartitat immikkut ittumik ataatsimeeqqinnissaanni 27. oktobari 2015-imi.

Siulersuisunut ilaasortat inuttut sinniisussaannik qinersineq partiit angissusii najoqqutaralugit D'Hondtip agguataareriaasia malillugu pisussaavoq.

Toqqaanerit uku nalunaarutigineqarput:

- a) Ole Mølgaard-Motzfeldtip (Siumut) inuttut sinniisussaa: Aqqalu Skifte
- b) Kelly Berthelsenip (Inuit Ataqatigiit) inuttut sinniisussaa: Naja Lund
- c) Naja Petersenip (Atassut) inuttut sinniisussaa: Masauna Peary

Ad 7) 2015-imi juunimi piffissap qinigaaffiup qiteqqunnerani aallartitat isumasioqatigiinnissaat oktobarimilu aallartitat immikkut ittumik ataatsimiinnissaat pillugit ilisimatitsineq

Ataatsimiinnermi siulersuisoq ilisimatitsivoq 2013-imi kommunalbestyrelsinut qinersisoqarne-rata kingorna aallartitat ataatsimiinneranni aalajangiunneqarsimasooq aallartitat kommunalbesty-relsimut qinersiviup qiteqqunnerani isumasioqatigiinnermut katersortinneqarumaartut. Tassani sammisassaaq tassaassaaq pisortat ingerlatsineranni aaqqissuussaanermik aammalu kommunit aaqqissuussaanerannik nalilersuineq. Pissusissamisussaaq isumasioqatigiinneq taanna aam-mattaaq KANUKOKA-p kattuffittut aaqqissuussaanera, suleriaasissaa isumagisassaa pillugit peqqissaartumik oqallinnermut atorineqarpat.

Piffissap qiteqqunnerani isumasioqatigiinnermi, 2. aamma 3. juuni 2015 Nuummi piimaartumi tassani aallartitat 27. oktobari 2015 immikkut ittumik ataatsimiinnissaannut piareersaatinik suli-aqartoqassaaq. Aallartitat ataatsimiinneranni tassani ilaatigut KANUKOKA-p malittarisassas-saanut siunnersuutininik nutaanik saqqummiussisoqassaaq, siunissami ilusiulersussatut kissaati-gineqartut tunngavigalugit.

Kommunit kattunnerannik pisortallu suliassaqarfiisa aaqqissuussaanerannik iluarsaaqqinnermik nalilersuilluni ataatsimiinnissaq Namminersorlutik Oqartussat aaqqissuutissavaat ulluni 4. aam-ma 5. juuni 2015, aamma Nuummi. Kommunini aningaasaqarnermut ataatsimiititaliat tamarmik tassunga qaaqquneqassamaarput. KANUKOKA-millu anguniarneqarpoq aningaasaqarnermut ataatsimiititaliat juunip ulluisa aappaat sioqqullugu tikinnissaat, taamaalillutik aallartitat isuma-sioqatigiinnerannut aamma peqataasinnaaniassammata.

Ilisimatitsineq tusaatissatut tiguneqarpoq.

Ad 8) Taasariaqartut allat

Immikkoortumi tassani taasasaqartoqanngilaq.